

Arabako Lautadan, Bilbo Handian eta Donostialdean batzen dira Euskal AEko industriren erdiak

Eustat European aitzindaria da area txikien metodologiaren aplikazioan. Metodologia hori Industriadako eskualdeetako datuak estimatzeko erabiltzen da

Euskal AEko hogeitaz eskualdeetan industria-sektorearen aldagai nagusienetakoak lortzeko, area txikien ereduaren oinarritutako metodologia aitzindaria aplikatzen du Eustatek.

Lurralde historikoa baino txikiagoak diren agregazio-mailentzako estatistika-datuak lortzeko aukera ematen du metodologia berri eta konplexu horrek. Izan ere, eskuarki maila horietarako definitzen dira estatistika-eragiketen laginak. Horrela, azken urteotan hainbat gizarte-eragilek planteatutako datu desagregatuaren estatistika-eskari gero eta handiagoari erantzun nahi zaio.

Euskadiko industriaren eskualdekako datuen 2003rako estimazioan azpimarratzekoa da Bilbo Handiak (%25,4) hartu zuela industriako balio erantsiaren laurden bat. Arabako Lautada (%13,2) eta Donostia-San Sebastián (%11,9) eskualdeak kokatu ziren jarraian. Hiru eskualde horiek Euskal AEko industriako balio erantsiaren erdia baino gehixeago (%50,5) ekarri zuten 2003an, eta %50,4 2002an. Industriako enplegatuei dagokienez, hiru eskualde horiek Euskal AEko industriako langileen %47,7 enplegatu zuten.

Durangaldeak, Deba Garaiak eta Kantauri Arabarrak Euskal AEko industriako balio erantsiaren %18,8 ekarri zuten eta sektore horretako langileen %19,6 okupatu zituzten. Beraz, industriaren %69,3 Euskadiko hogeitaz eskualdeetatik seitan kontzentratu zen. Hala ere, kontzentrazio-dispersio fenomeno horrek alde handiak ageri ditu lurralde batetik bestera.

Esaterako Arabako lurralde historikoan, industriako balio erantsiaren ia bi herenak (%64,2) Arabako Lautadan kontzentratu ziren, baina Arabako Mendialdean %0,5 besterik ez. Lurralde horretako gainerako lau eskualdeek Kantauri Arabarraren %13,9 eta Arabako Ibarren %3,9 arteko industriako balio erantsia izan zuten.

Industriaren eskualdekako kontzentrazioaren eragina handia da Bizkaian ere. Lurraldeko industria-jardueraren %81,0 bi eskualdetan metatu zen: Bilbo Handian (%61,0) eta Durangaldean (%20,0). Bestalde, Enkartzioak apenas heldu ziren %2,8ra. Industriako pisu handieneko hirugarren eskualdea Arratia-Nerbioi izan zen, lurralde horretako industriako balio erantsiaren %4,7rekin.

Gipuzkoan, osteraz, kontzentrazioa txikiagoa da eta eskualdeen arteko oreka neurritsuagoa, gainerako lurraldeetan baino. Industriaren erdia bi eskualdetan kontzentratu zen: Donostia-Sansebastianen (%31,4) eta Deba Beherean (%20,0), baina era berean badira esaterako Goerri eta Urola Kosta eskualdeak, industriako

lurralde-pisu erlatiboaren %13,5ekin eta %12,2kin, hurrenez hurren. Bestalde, Gipuzkoako industrian pisu txikienerako eskualdea Bidasoa Behera dugu, baina hala ere lurraldeko industriaren %4,6 hartu zuen, Arabako Mendialdearen %0,5 eta Enkartzioetako %2,8ren aldean.

Euskal AEko industriak %2,8ko hazkunde nominala izan zuen 2003an eta batez besteko hazkunde hori gainditu egin zuten hainbat eskualdek: Araban, Arabako Ibarrek (%18,2), Errioxa Arabarrak (%11,3) eta Arabako Lautadak (%3,2); Bizkaian, Markina-Ondarroak (%12,1), Gernika-Ondarroak (%10,3) eta Bilbo Handiak (%4,2); Gipuzkoan, Bidasoa Behereak (%5,9), Tolosak (%4,9), Goierrik (%4,1) eta Urola Kostak (%3,2).

2003an enplegatutako langileen bilakaerari dagokionez, Arabako eskualde guztiek profil positiboa izan zuten, Arabako Mendialdeak izan ezik. Bizkaian bi eskualdek bakarrik (Arratia-Nerbioi eta Plentzia-Mungia) egin zuten atzera industriako enpleguan, eta beste guztiek handitu egin zuten industria-okupazioa. Gipuzkoan, berriz, Deba Goiena izan zen industriako langileak gutxitu zituen eskualde bakarra, gainerako seiak gehitu egin baitzituzten.

Industriako langile okupatuak eta balio erantsia faktoreen kostuetan, eskualdeka. 2002-2003. Euroak milakotan.

	Langile okupatuak			Balio Erantsi Gordina, faktore-preziotan		
	2002	2003	Δ 03/02	2002	2003	Δ 03/02 vabcf
Euskal AE	246.063	248.922	1,2	13.008.214	13.371.649	2,8
Araba	47.804	49.019	2,5	2.676.614	2.747.477	2,6
Arabako Ibarrek	1.889	1.953	3,4	89.743	106.061	18,2
Arabako Lautada	30.978	31.912	3,0	1.708.733	1.763.392	3,2
Arabako Mendialdea	354	294	-16,9	17.455	14.211	-18,6
Errioxa Arabarra	3.778	4.042	7,0	243.155	270.594	11,3
Gorbeia Inguruak	3.942	3.949	0,2	216.196	210.776	-2,5
Kantauri Arabarra	6.863	6.869	0,1	401.332	382.443	-4,7
Bizkaia	103.749	104.619	0,8	5.371.448	5.561.854	3,5
Arratia-Nerbioi	5.173	5.021	-2,9	252.658	259.622	2,8
Bilbo Handia	60.622	61.312	1,1	3.259.555	3.395.279	4,2
Durangaldea	21.614	21.736	0,6	1.109.460	1.113.048	0,3
Enkartzioak	2.128	2.139	0,5	154.460	155.544	0,7
Gernika-Bermeo	4.418	4.612	4,4	180.951	199.627	10,3
Markina-Ondarroa	3.892	4.056	4,2	149.595	167.664	12,1
Plentzia-Mungia	5.902	5.743	-2,7	264.769	271.070	2,4
Gipuzkoa	94.510	95.284	0,8	4.960.152	5.062.318	2,1
Bidasoa Beherea	5.490	5.602	2,0	218.659	231.525	5,9
Beba Beherea	10.452	10.643	1,8	482.592	482.471	0,0
Beba Garaia	20.275	20.091	-0,9	996.600	1.013.516	1,7
Donostia-San Sebastián	25.464	25.508	0,2	1.585.031	1.591.077	0,4
Goierri	12.831	13.233	3,1	655.356	682.139	4,1
Tolosa	8.001	8.185	2,3	422.004	442.768	4,9
Urola Kosta	11.997	12.022	0,2	599.910	618.822	3,2

Iturria: Eustat

Argibide gehiagorako:

Euskal Estatistika-Erakundea / Instituto Vasco de Estadística

Donostia-San Sebastian kalea, 1 01010 Vitoria-Gasteiz

Tlf:+34-945-01 75 00 Faxe:+34-945-01 75 01 E-maila: eustat@eustat.es

Harremanetarako pertsona: Jose Maria Agirre

Tlf:+34-945-01 75 80 Faxe+34-945-01 75 01

Prentsa-oharrak Interneten: www.eustat.es